

新刊國朝二百家名賢文粹

新刊 國朝二百家名賢文粹卷第二百三十一

記

樓觀記二

清風閣記

東坡先生

文憲大師雅符居成都玉谿上爲閣曰清風以書畀求文爲記
五返而益勤余未能已戲爲浮屠語以問之曰符而所謂身者
汝之所寄也而所謂閣者汝之所以寄所寄也身與閣汝不得
有而名焉乎施名將無所施而安用記乎雖然善爲汝放心遺
形而強言之汝放心遺形而無聽之木生於山水流於淵山與
淵且不得有而人以爲已有不亦惑歟天地之相磨虛空與有
物之相推而風於是焉生執之而不可得也逐之而不可及也
汝爲居室而以名之吾又爲汝記之入亦大惑矣雖然世之所
謂已有而不惑者且與是奚辨若是而可以爲有邪則雖汝之
有是風可也雖爲居室而以名之吾又爲汝記之可也非惑也

風起於蒼茫之間，徐至乎山澤，激越乎城郭，道路虛徐涵漾，以汎汎之軒窗，欄楯幔帷而不去也。汝隱几而觀之，其亦有得乎？力生於所激，而不自為力，故不勞形生於所遇，而不自為形，故不窮嘗試以是觀之。

清懷閣記

西塘先生

水之性清，以其出於土也；而土汨之，是以如是其濁也。徐而清之，可以鑒毛髮人之識明，以其接於物也；而物惑之，是以如是其亂也。徐而明之，可以燭日月夫羣也。清汨之，則濁濁而徐之，復清也。亂也，明惑之，則亂亂而徐之，復明也。是濁且亂者，常自外加我而清且明者，在我而已。經曰：天地相合以熙，甘露人莫之令而自均。夫雨露之在天地，細故也；而猶平均如是，況於人之靈識乎？故推道為均在回，為無餘在跽，無不足天下之所共禁而為之至難者，益也。以既為之有餘暇也，入室探寶，聚徒于室，而人莫之禦其習，非有過人者，能如是乎？以有過人之賢，無

不足之材而不用爲善乃以爲盜物蔽其明而莫之知擇故也
羈使跖也收其逐物者反以徇己餘而去其惑蓋移跖猶回如
反掌耳彼非不能不思而已矣不思故逐而志反其明卒不復
是故終身爲盜死爲萬世僇不亦可悲乎然則靈識之在人者
不惟其最均也且爲回不加益而爲跖不加損自回而爲跖則
羈也明今也亂自跖而爲回則羈也亂今也明亦猶水之清濁
也欤老子曰水善利萬物而不爭處衆人之所惡故幾於道然
而汨之隨變則臭腐濁穢不可以濯足亦其自取不戢於惡乎
思復性者以是爲鑒知夫清且明者自我性而濁且亂者亦自
我之有以乘之也去其汨且惑者而清明在躬然後揚波淫汙
與之偕而莫吾能化也以其莫吾能化彼將寢寢以明索而莫
之知予力焉古之大聖智其道不過如此微矣妙矣不可以言
盡矣然而未始不自其潔已者始此清懷之所以作也蓋下瞰
深池飛橋高巖上下瑩徹居是閤者俯視清流仰瞻曠宇豁然

而忘其俗懷則縣之役役於物鄙競與爭埴溢交戰于曾次者
不知自何而去也故以清懷為名而太守杜公非至此而後有
以清其懷者也直與夫清澄虛曠者為侶而已歸者公赴郡在
予贈行以詩有玉壺在堂中有冰之句蓋亦言清之可尚者公
公復為是閣以歲時遊居其間則公之所向也予合矣由是詩
以想玉壺在堂而中有冰也又由是以想高甍清漪上下瑩徹
而清明者居其中也是皆有可圖畫使夫相习以勢相靡以利
溺其所欲如熟寐而無覺焉穢而不還其熱炎火而焚諸中者一
見而洗其慮彼將快然猶之披煩襟而濯清風也則清懷之設
豈徒然哉閣以熙寧十年冬用都景樓之餘以修其名曰太守
而屬予為文元豐元年二月戊申拙越三日辛亥記

歸鴻閣記

龜山先生

縣宇西北墉之隅有廢地焉久弗不治舊家之所游蹤此狸鼠
之所家荒煙蔓茂蔚為穢墟予一日曳杖澤履徜徉于其下周

覽左右洒然異之。披綦帷而嘉禾茂卉連山穿谷。其方舍。隱然四出乃取。其無之。棄梓為閣於其上。既成。肅賓而落之。相與揚眉拭眚。皆云。微雲洞開。一目千里。於是。以歸鵲名之。蓋取昔人所謂目送歸鵲之義也。客有曰。異乎哉。子之名閣也。始子以飛鵲名其室。殆將有志乎蓬蒿之間也。今又以歸鵲名其閣。尔之中無乃齟齬而受變於物歟。子警然不答。隱几而卧。俄而曰。噫。噫。居吾語汝。今夫履步仞之丘。居環堵之室。雖有離朱之明。視不過尋常踰闕之外。則不能矚及夫登大山之崖。游良崙之墟。下臨虞淵。觀日之出入。則六合為小矣。夫明非有加損也。而所寓不同。見亦隨異焉。其所以見者。雖瞽瞍不亡也。物亦烏能變哉。且鴻之冥冥。乘飛雲御冷風。上關青天子。其以是為高乎。鷄之騰躍而上。不過數仞而下。子其以是為卑乎。是未知各適其適也。物各適其適。則天地之瀕猶蓬也。烏龍其異哉。蓋天地之間。一氣而万形。一息而成。古今達觀之士。會物於一已。通

晝夜而知則雖死生之變無恒矣又況其凡乎惟世之人無智
自私而其明不足以窺天人之蘊故物我異觀而肝膽之間楚
越矣又烏足與語天理哉子方疑我之讖辭而受變乎亦陋子
之自措於見聞也客於是規規然自失忘其所以異唯唯而退
予顧謂三子誌之饒諸石

成都府銅壺閣記

廬峯居士

府門稍東垂五十步慶曆四年知府事蔣公堂沐澤閣公直午
門嘉祐中先公簽書府幕事拭侍行猶及見閣之舊大字題
其額曰銅壺巋然南向一府之冠也崇寧元年七月地震閣災
政和元年三月乙卯拭承乏尹事始至府視閣之廢棄土如臺
然問使吏曰前尹將即臺為門治材略具朝廷亦嘗賜度牒售
錢六百萬有奇尹去弗克成問錢與材安在曰材為他所繼
修輟用之錢則帑官專輒允費矣拭曰午門既臺明也茲唯閣
之宜美臺之有即日使徹累土圖閣如慶曆時戒府以本末聞

計臺願給帑官向所輒費錢糧旁郡市木若石餘悉從府議計
使者然之於是府諉佯路侯康國安侯章成都譚令俞華陽趙
令申錫供奉官城外巡檢段希載供奉官監養馬務高士若拙
領分泄凡役事執謂是舉也非聞諸朝以期限趣其成則弛而
姑置之猶前日也亟馳驛以章上被旨曰可賜之限者半年占
於龜筮得九月壬申於是命士如所卜日迄十一日戊寅告成
通閣上下一十有四間其高六丈一尺有五寸廣二丈一尺五寸
有六尺審曲面勢丹堊是飾瓊覆甍翬翬有數雉闕健闕
闕惟謹此邦士夫若稚若老相與譁曰吾邦之觀社稷使地理
書而可信吾邦自是其罔弗吉矣他日大合樂以灌之酒行哉
諸客曰周官挈壺以令軍井挈轡以令舍挈畜以令禮蓋號令
不徒自聞故令之各以其物省煩趨疾以便事也然則漏刻之
作之所甚重夫豈末務也哉齊詩顛之側之自公召之側
之顛之自公令之不能辰夜不夙則莫則臽臽不寐不寐其職

故也。嘗聞初置天聖中燕梓州肅所製蓮花漏於其下閣穴漏
管可下有八銅鳥逗水而下金蓮浮箭而上氣二十四候七十
二百刻十二辰率視箭而定凡我將佐若掾屬史士時其寢興
悉心公家以弗懈厥職尚何瞿瞿在夫之聽哉雖然閣成非難
不擾於民者是為難上既賜以閣成之期又慮夫因閣而擾也
迺勅提點刑獄走馬承宣官以警察其事夫為民之長而不知
愛民使民不自聊而困於力役故其官府園觀下築締構殆無
虛日而藻繪鏤刻窮極技巧曾不以殫財蠹民之為念此曹不
擊於中執法不効於司敗非幸何也今營閣以嚴漏刻正周官
之法上猶以謂擾則民受弊德音賢訓至申言之此君等所具
聞者請與君等體上之所以仁民愛物之至意終身銘之以庶
幾不忍人之政於是客皆起曰敢不拜幸公錄今日語并以屬
來者嘗觀焉試曰唯唯書而刻之是年十一月丙戌具官吳

狀記

登瀛閣記

馬學士

唐太宗以文學取天下士十有八人天子與之燕遊議論今古
事待以殊禮天下人榮之謂之登瀛洲余之表親程通叔於其
居跨池爲閣高壯偉麗聚書其中以教子孫名之曰登瀛洲其
必以文學取榮於世也余請道古今顯赫可驗事衆人所共知
者以勉通叔余讀于定國傳其父于翁高其門閭使客駟馬車
曰吾治獄多陰德子孫當有興者已而定國爲宰相封侯後漢
虞翻之祖曰經亦曰吾治獄如于公子孫當爲九卿故字曰升
卿討官至尚書令爲漢名臣後讀曾山先生三槐堂記言故兵
部侍郎晉國王公顯于周漢之際歷事太祖太宗文忠忠孝
直道積德手嘗植三槐於庭曰吾子孫必有爲三公者既而其
子魏國文正公相直宗於景德祥符之間十有八年福祿壽考
爲宋賢相余歷觀昔之君子積善於身傳施於人責報於天歷

若影鑿焉有差失于公以車蓋大其門閭虞經以卿名其孫晉國公以槐名其堂今通叔以登瀛名其閣異世相類天道無私豈能獨違君耶通叔勉之矣農夫耕腴其穫也必豐商賈貨厚其利也必倍不耕而無資其求也必無獲今君之家積累數載矣為吾里名族子孫盡儒矣欲以文學顯於世余他時歸故鄉登君之閣見君之說說侍立者皆青紫也然後知天可必余言為有驗元祐五年九月二十五日里人馬存記

成都府孝廉閣記

錦屏先生

皇祐二年春仁宗肇講明堂故事越九月大饗禮成制詔天下舉孝廉有聞之士於是樞密直學士田公況守成都抹石室諸生之議而表上之其略曰布衣李甲信誼急物恒悌肥家純誠不浮美行可述臣謹以名聞朝廷嘉之而重其敦造詔即其家賜束帛羊酒長吏勞問一時士人欣慕焉而孝廉之名遂著著于西南孝廉字申之著籍寶流縣縣郭之南有山曰宜城茂林

鬱然其下即孝廉居也縣宰徐九思曰鄭公名聲高陽名里此前世雄員之美事也因以孝廉名其坊孝廉少年嘗補廣文館生以請舉不中有司選即拂衣歸曰共爲子職可遠遊乎由是終身不復出其事親誠懇無容親沒即廬于墓除喪然後去家本饒財而性喜周急當其可予一切不校以是暮年貧賈人所不堪而孝廉處之淡如也平生嗜讀書務通經適用不尚章句尤刻意於易鈎索精微後學所不及晚將息於老佛之書得其深趣慕自樂天飲酒賦詩集成二十卷當時鄉里巨公如范內相景仁李紫微才元皆其交友周旋者觀其所興遊則其爲人大概可知矣孝廉有弟朝請郎名群字介夫以才俠稱介夫二事長公朝字夢得未冠登科爲朝散郎通判絳州次公清字齊通以累舉授涇州文學夢得以詩自名家彥通以能賦擅場臺而故尚書金部郎中宋公承之即孝廉之婿也金部風韻高朗如晉宋間王謝輩辯論博洽筆下鋒起人莫敢當而古文詩句爲

士子終式仕終陝府西路計度轉運使當金部少時孝廉固已
興之常曰吾季女賢而文捨宋氏子非其配也遂以歸之實生
子京字宏父宏父雋偉過人有父風嘗爲太府少卿今復持陝
右漕節朝廷姑試以事而其功名所到殆未易測量也嗚呼父
子舅甥兄弟祖孫皆以儒術醞藉卓然有立於時何其盛耶孝
廉所居傍有佛祠主僧建閣繪孝廉像於其中以朗散文學大
金部公列其次復繪少卿侍其後蓋從鄉人之願也少卿常誦
孝廉治命曰吾有萬松在宣城山上我死必葬此地吾女至孝
其能奉我祀京不幸永感矣其後忍忘此語乎願與子孫世承
李氏之祭聞者咨嘆閣成繪事畢主僧以書來請記其事須得
獲遊於金部少卿父子之間義不可辭也謹爲書之以示不觀
者無有所考云

招星閣記

陸贄先生

仁壽舊有閣臨東南前大夫引其佐朝三隅之光以清其心

故目之為澄源縣事末大劇後人壽靈不得源無以澄而閤亦
不暇到書司曹佐抱朱墨勾檢其上囚羣離離卧起其閤紹聖初
杜侯來遂廣縣宅拓地十畝徙其閤審政堂後謂其邑人憫惻
大阜之濱豁餘陰可以為記當能想見其趣可以命名今年春癸
社中人持侯書道則意其他日揮報名其閤招星星在天上安
可招逆村侯聞之必且怪笑雖然予屬杜侯招者非黃非赤非
殷然有聲者其飛而長流而白如缶如盃如編珠如孤矢者不
招其變為青官為歌兒為壯夫者皆不招巖穴有處士邑里有
德星田畝有老丈人左右有蒼舌是可招也而亦不可招也招
之之禮不盟茅不陳詞不羞殖獨用葵一酒一三日務五日戒
日務除其不祥至則延之上坐虛懷而禮之問政之大小得失
與邑之民若利與病於是揆鳴琴以娛其意酌樽酒以為之壽
其去也扶之登車目逆而送之於處士則師焉於德星則友焉
抑謝丈人而俯懷蒼苦焉茲杜侯之志也招之不來儀未恭也

招之而來麾之不去憂未替也以福吾邑以萬吾色願所招何
如耳予并以告後之人年月日記

重修祕閣記

王尚書

臣嘗聞天下之事莫為於前雖美不彰莫為於後雖盛不傳厥
父基厥子乃弗肯構古人之所戒矧夫前人構之既久而弊其
可廢而不修乎上即位之二年率舊章編祖武凡朝廷之所以
施設損益未嘗不以前事為憲厥惟祕閣三館歷年茲多既弊
且陋有司以間皇帝若曰圖書皇府寶藏素所以右文之地宜
加修營使之新美況壯為一代億觀且以示天子崇文之意於
是詔將作監特往營焉有司忝圖各率舊制按日告告乃興工
於建中靖國之冬鳩工聚材而費不害國五丁樂運而役不加
民于柱石于梁枅其材多榱楠于丹雘于丹雘續其制非修葺招
文集賢史館之異相為環列所謂祕閣者實總其中而昭文書
庫列於東廊集賢書庫列於南端史館書庫列於西序乃以崇

寧元年畢士告成皇帝若曰朕守祖宗洪業述祖宗遺訓朕在
宗所以崇文之意其在茲乎豐碑未勒後世何考乃詔愚臣爲
之記臣愚不肖被學最陋復以文字待罪則紀事之成乃其職
也詎敢以無累爲避謹拜手稽首言曰臣切惟祕閣之設其來
久矣晉宋已還皆有其號惟國朝所以達閣之制實因於漢唐
漢有天祿石渠蘭臺金馬與夫承明著作之庭又有東觀亦列
禁中命名雖殊而所以崇文之意一也國朝因之故有昭文集
賢史館祕閣之異號蓋取諸此有唐太宗始命十八學士更直
閣下夜分論藝有補於治國朝因之故有校理著作祕書正字
之異職蓋取諸此且五代之後三館雖存而湫隘迫窄僅庇風
雨惟我太宗皇帝混一區宇統意文藝太平興國二年車駕臨
觀喟然嘆曰若此之弊烏足待天下之賢後遂命有司度地昇
龍明左贊上經營棟宇之制煥然一新三年畢工乃錫名曰崇
文又發明詔購求遺書京則償以金帛大則授之以官凡先賢

墨迹與古史圖畫不數載間充初書府端拱元年即其中堂文
達祕閣猶白二字以光其名群書最盛齊跨越前古車駕臨幸喜
形天顏自持厥後累世相承一書之成並詔藏于其中乙夜取
觀亦非小補崇文之名雖罷於後而崇文之意不殊於前故凡
本朝之舊章歷代之藏籍如三皇之墳五帝之典昔之所謂金
匱石室之所藏者固不具在其名之多不可悉數於嘻一代之
文何其盛歟恭惟皇帝陛下紹休聖緒上監成憲仁孝恭儉出
於誠心即位以來宮室臺榭弗營弗崇苑囿池沼弗蕪弗幸惟
兢兢然以右文爲務故廿六聖學續熙于光明而煥乎多文足以
經緯天地既至於聖矣而又袖焉以迄非常人之所可知也小子
之愚烏足以形容之哉然於祕閣之脩亦可以見其歸歸謹記

于氏藏書閣記

西山先生

秦既焚書滅學故老死亡授先王之遺訓漢高祖入關於矢
石間盡收丞相府圖書其意遠矣後唐開獻書夏竦武而時維

內有延閣廣內秘室之府外有大常太史博士之職至成帝時
著錄始備蓋漢興百餘年矣嗚呼艱哉縣官之勢何如於藏書
一事其勤若此況大夫學士之家邪南充秀才于欒仲平少時
賣城北之田二百畝購書數千卷今老矣子孫未免寒飢而不
悔方即且居起閣次第以藏焉將與之周旋而忘其身之賤貧
也因屬予爲記予倦遊杜門時往觀未見之書以志吾憂故樂
爲仲平道之古之學者可謂難矣荀向父子自楚元王以來號
稱博學至入校中祕書乃知有其子洪範左氏春秋當是時見
六經之全者尚少論書之盛無若近世考其道德禮樂則愧於
古人遠甚此何理也豈書益多學益淺而士益少邪蓋自屋壁
虛冢之書出而世以藏書爲貴善學者既自探其源流撫其華
實又以遺傳家之子孫俟後世之君子其功效可勝計哉豈徒
爲觀美而取虛名也故李繁家書至三萬軸退之謂新若手未
觸者似有所謂雖然今之藏書者幾何人尚敢責備於此邪仲

平草衣木食悉力於書可謂有志者矣子故賢其人而并告之
年月日河南邵博記

棠陰閣記

于湖先生

君子之爲政去之久而猶見思者必有惻怛愛民誠心感於民
也深故其來也如慈父母之撫其子其去也如捨其子而去父
母捨其子而去子之心之思寧有既耶猶曰吾父母將復吾歸
及其久而不復來也思之之心益不能忘於是過其宮室見其
所服用而其所愛樂起敬起慕久而祝之社而稷之更數日世不
敢怠者蓋昔之人以爲父母則今之人皆其孫子宜如何也昔
余爲中都官聞閩有賢令曰張君仲欽閩之人歌舞之去而思
之前年余爲建康仲欽通判府事當徐闕守余檄仲欽屬焉居
數月余罷建康仲欽亦代去余居富盛之別邑往來田間聞民
之思仲欽飲食必禱也余曰張君之政何如而使尔不恡者是
民曰我亦不能知但去年有水災而君寔來民不知今年水不

為害而吾懼焉若將隕焉君之時吾與堂君相忘君去我我自
與州縣之吏接我亦不知其故知思君而已去年余來桂林仲
欽提點廣西獄事下車月余冒黃茅憶走二十五州以扁舟游
海吏士叩頭涕泣交諫仲欽褰裳登舟半濟風作舟師震駭仲
欽怡然不為動也黜陟罷行一皆考之民民扶輿謹敷以為百
年未之見也夫以當塗之思則知閩之思以閩當涂占之知仲
欽之去嶺表而還朝夫也民之思仲欽可勝述哉昔召伯之教
明于南國而人愛之及其甘棠故余登仲欽之閣名之曰棠陰
以識民異日之思閣之後有榕木交陰閣上仲欽之所遊息乾
道五年丙戌五月歷陽張某記

超然臺記

東坡先生

凡物皆有可觀苟有可觀皆有可樂非必怪奇瑳麗者也鋪糟
啜醢皆可以醉果蔬草木皆可以飽推此類也吾安往而不樂
夫所為求福而辭禍者以福可喜而禍可悲也人之所欲无窮

而物之可以足吾欲者有盡美惡之辨戰乎中而去取之擇交乎前則可樂者常少而可悲者常多是謂求禍而辭福夫求禍而辭福豈入之情也哉物有以蓋之矣彼遊於物之內而不遊於物之外物非有大小也自其內而觀之未有不高且大者也彼挾其高大以臨我則我常眩亂反覆如隙中之觀鬥又烏知勝負之所在是以美惡橫生而憂樂出焉可不哀乎余自錢塘移守膠西纓舟楫之安而服車馬之勞去雕牆之美而蔽采椽之居背湖山之觀而行桑麻之野始至之日歲比不登盜賊滿野獄訟充斥而齋厨索然日食杞菊人固疑余之不樂也處之暮年而貌加豐發之白者日以反黑余既樂其風俗之淳而其吏民亦安予之拙也於是治其園圃挈其庭宇伐安丘高密之木以脩補破敗爲苟完之計而園之北因城以爲臺者舊矣稍葺而新之時相尚登覽放意肆志焉南望馬耳常山出沒隱見若近若遠庶幾有隱君子乎而其東則廬山寨人廬敖之所從

適也西望穆陵隱然如城郭師向父齊和公之遺烈櫓有存者
北俯維水慨然太息思淮陰之功而弔其不終臺高而安深而
明夏涼而冬溫雨雪之朝風月之夕余未嘗不在客未嘗不從
擷園蔬取池魚醺林酒偷脫粟而食之曰樂哉遊乎方是時余
弟子由適在濟南聞而賦之且名其臺曰超然以見余之無所
往而不樂百世遊於物之外也

厄臺記

南豐先生

淮陽之南地名曰厄臺詢其父老曰夫子絕糧之所也夫天地
欲泰而先否欲明而先晦天地不否萬物豈知大德乎日月不
晦萬物豈知大明乎天下至聖者齊魯禹湯文武周公孔子也
堯有洪水之災舜有共廩之害禹有殛鯀之禍湯有大旱之厄
文王有姜里之囚周公有管蔡之謗孔子有絕糧之難噫聖天
承萬古之美豈以一身爲貴乎是知合天地之德不能逃天地
之數齊日月之明不能違日月之道泰而不否豈見聖人之志

乎明而不晦豈見聖人之道乎故孔子在陳也講誦弦歌不改
常性又犯圍之出列從而行怡然而言美之為幸又曰君子不
困不成王業果哉身役之後聖曰皎然文明之君封祀不絕有
開必先信其然也於戲先師夫子聘於時民不否遁於世民不
泰也否則否於一時泰則泰於萬世是使後之王者知我先師
之道捨之則後困之則昌習之則貴敗之則亡道之美此孰為
厄乎

望闕臺記

西塘先生

望闕臺者有所思之作也居士本以儒學中第初任光州司法
參軍其貳監在京安上門即以門吏論朝廷闕失力詆大臣之
欺君苦民者封章十上天子以為許露太過斥在外英乃貶
所而居士能自見其過者也以為居下位而非議其上論適不
已此萬死不赦之罪上賴君父至仁清明之朝不肯為燼鐵矣
莫之事故賜之再生以禦魑魅于南方之陸為人臣者不擇地

而安之忠之至也是以北望京國三千餘里而東望其親之庭
亦若是與身居輦下膝前同大慶之麓朱墀之階有廬焉稍可
以避風雨則以爲正舍之至足無所厭乎高明之夢者也疎枳
塹醢苟可以待飢渴則以爲飲食之至足無所厭乎食前方丈
者也夏葛冬苧苟可以待寒暑則以爲裳衣之至足無所厭乎
錦綺文繡者也大瓠之樽小匏之勺瓦盞木筩竹牀石坐蒲羣
之蓆斷磚之枕則以爲日用之至足無所厭乎金貝牙玉珊瑚
琥珀者也而情非土木也行坐起卧食飲默語所不能忘懷而
猶然長思者三焉君也親也古人也乃築土爲臺三級而高十
尺命之曰望闕之臺作茅屋三間于上而朝夕居焉總而名之
曰茅堂爲三軒北曰北望之軒北望云者君所在也東曰東望
之軒東望云者親所在也西曰思古之軒思古云者思見有虞
君子如古人衆多之意也或者曰子非忘憂樂者歟何其多思
乎曰忘憂樂非人也憂其可憂而樂其可樂此人之義性也將

世人乃以憂樂爲樂樂非其所可樂憂非其所可憂此
聖愚之所以分莊氏之言曰宋人有善爲不龜手之藥者世世
以緝緝統各得其方以說吳王戰越而功裂地封之能不龜手
一也或以封或不免於緝緝統則所用之異也此正爲憂樂兩
用設蓋能憂樂一也或者覆載高厚彌綸宇宙一念一慮而大
之天地細至昆蟲草木復古之上萬世之下靡不受其賜而有
餘或者區區隻身單婦眼前兒女耳目口腹之欲終世營營而
不足有道者陋之故有無言無憂心不憂樂等說此非爲夫憂
人物之憂樂人物之樂者言爲世俗之謬誤而發耳故孔子閑
處有憂色顏回聞之援琴而歌召而問曰回矣獨樂對曰夫子
奚獨憂詰而自爲樂者以樂天知命故不憂對夫子告之曰女
徒知樂天知命之無憂而不知樂天知命有憂之大也乃所謂
天下萬世之爲心者夫內則父子外則君臣人之大倫父子君
臣內外之辨名耳其道不二致故經曰父子之道天性也君臣

之義也舜之往于田日號泣于旻天于父母公明高以孝子之心不若是忍故九男二女百官牛羊倉廩備天下大悅而歸已無足以解憂惟順於父母足以解憂爲人臣者移所以事父之道事其君去爾人子之心不若是忍人臣之心能若是忍乎故詩曰考槃在澗碩人之寬獨寐寤言永矢弗諼考槃以成樂言其樂云何吾之幸而知有君臣父子之大能無以物累其心者進以得君樂退以憂君樂此其所以成樂人皆彼而我此則獨矣而終身不忘君也永惟直己而不忘君是之謂永矢弗諼此則憂思之意者以詩書考之堯舜憂樂而丘轡曰損憂是八人者易地則皆然其樂其憂吾於是得其師故雖擯斥萬里而望闕思親想念古人莫吾能已也朝焉思夕焉思日入月出有政而吾心無改也生焉思死焉思物聚物散有政而吾心無改也仰焉思俯焉思日月星辰山川草木皆吾思也回環以顧飛鳥行雲至於蟻蟻皆吾思也故其臺三級而高十尺三言用而

士言匪也然則憂樂耶吳非樂耶吳非憂耶斷之曰有
憂君親無心回損有樂君親無心益動矣然則回損達則憂與其
居士之謂也元豐五年中秋日記

新刊 國朝一百家名賢文粹卷第二百二十一

新刊國朝二百家名賢文粹卷第一百二十二

記

樓觀記三

東軒記

續清先生

余既以罪謫監筠州鹽酒稅未至大雨筠水溢淹東南市盡
岸敗刺史府門鹽酒稅治舍俯江之背水患尤甚既至
處乃告於郡假部使者府以居郡憐其無歸也許之歲十二月
乃克支其欹斜補其圯缺闢聽事堂之東為軒種杉二本竹百
个以為宴休之所然鹽酒稅舊以三吏共事余至其二入者適
皆罷去事委于一畫則坐市區鬻鹽沽酒稅豚魚與市人爭尋
尺以自効豈歸筋力疲廢輒昏然就睡不知夜之既旦旦則復
出營職終不能安於所謂東軒者每旦莫出入其旁頽之未嘗
不啞然自笑也余昔少年讀書竊嘗怪顏子以簞食瓢飲居於
陋巷人不堪其憂顏子不改其樂私以為雖不欲仕然抱

此尚可自養而不害於學何至困辱貧窶自苦如此及來筠州
勸勞鹽米之間無一日得休雖欲弃塵垢解羈執自放於道德
之場而事無劫而留之然後知顏子之所以甘心貧賤不肯求
斗升之祿以自給者良以其害於學故也嗟夫士方其未聞大
道沉酣勢利以至昂子其自厚自以爲樂矣及其循理以求通
落其華而收其實從容自得不知夫天地之爲大與生死之爲
變而況其下者乎故其樂也足以易窮餓而不怨雖南面之主
不能加之蓋非有德不能任也余方區區欲磨洗濁汙晞聖賢
之萬一自視缺然而欲庶幾顏氏之福宜其不可得也若夫孔
子周行天下高爲魯司寇下爲棄由季更惟其所遇無所不可
彼蓋達者之事而非季者之所望也余既以譴來此雖知桎梏
之害而勢不得去獨幸歲月之久世或哀而憐之使得歸伏田
里治元人之弊廬爲環堵之室而居之然後追求顏氏之樂懷
恩東顧愛遊以忘其老然而非所敢望也元豐三年十二月初

八日眉陽蘇轍記

捫財軒記

捫陝先生

上即位元年秋七月尚書郎喻某銜命使蜀三年春蜀侯專命三月蜀竊財賦夏五月登其數于天府六月以讒罷對吏于仁壽初某將朝廷之旨號于蜀曰日者朝廷無良將帥之臣蒙二帝于大難今天子治兵維揚將以保國家之辱而張我太祖太宗之茂烈且欲安其社稷而隕社于天下維是服御之物未皇纖靡而備善至於饋邊飽師之費則弗敢吝用是命使臣某責常賦于尔四川惟是使臣暨部使者政當仰念天塗未夷輸貢服享以共濟于休寧迺復不有朝廷不用詔命詆瀾漫漫以欺上聞且使臣何取不取諸民不取諸歲計而三三大臣懷執異心非沮詔旨諄戾自專持必不移原曰取之侈伯溫曰取之濫謂博文曰竭我矣於是加無道於天子之使俾某士愚臣奉使無狀為朝廷羞上薄其過不加以以鈇鎖姑致于理某自念負

朝廷罪當死內祖頌首謝居無幾朝廷下恩澤施囚徒僅免吏議某百拜叩頭謝於戲春秋之旨微矣以防茲來奔則曰叛竊寶玉走之晉則曰盜盜與叛孔子之所甚諱而人臣之至禁也書壁假許田則諸侯不得專也書齊人救邢則諸侯不得專封也書楚殺舒則諸侯不得專討今蘊肝賦專地也起監司專封也命統制專討也是不諱孔子之所諱也人臣而不諱孔子之所諱敗蔑天經詭僻王度暴犯名義殘闕典策臣子而不書焉非臣子也唐室不競桀臣冒禁版圖稅入盜有不禁截山之東隨河之北橫潰直裂撓法妨命溷國家之紀僭公上之恩家臣不知有朝廷主帥不知有天子是故顏真卿死於許韋文恪死於魏孔巢父死於河中皆以天子之使抗節仗義引領就戮萬死不悔是必們膝而言曰尔詎能我屈哉山之東河之北非吾先人之故吾故蜀也蜀不于亂也士生其間喜義而嗜忠負何武李固權輿寒盜之風蒙李業王皓飲毒伏劍之節挺摧嚴園張

勤王尊主之義然不此爲而彼爲非蜀然也蜀不予亂也專命
盜賊者休之也其意蓋爲鑿輅于淮悍剪于秦豺獫數譴塵塏
翳氛蒼崖挾天白日晝昏逋逃亡命嗜亂之徒囊橐而轉奔務
私其民鼓勢而市恩則亦肆焉弗憚也不如許如魏如河中使
人不死僅耳使人亦何以有焉曰天下大義也義勝則畔死盜
亦死僅不勝則義死所估有春秋之法在焉雖死而生可也昔
蜀而肆者公孫述史記李勢鍾會譙縱劉季連蕭紀王謙劉闢
等輩初未嘗不肆也一軍下大散關一軍度瞿塘關而矢著于咸
門甲華于星橋刃鱖于

而父子顛顛剖然墮于獨柳之下故

曰非蜀然也蜀不予亂也蜀不予亂見擾之者何也曰侈曰濫
曰竭我者造之也彼何因而困則曰羯胡披猖秦洛猾擾凶聲
虐氣震撼全蜀斯不可以不備某曰備當矣張佖出受女而臨
洛解圍難得上家貲而靈武張王備弛平哉今乃欲擅國家積
歲久儲之貨絀朝廷已行必信之令訖蜀人之未急赴義之

心第爲數子護其孥尔是護其家不護蜀也是獨爲蜀而不爲宋也是知有蜀而不有中原是知有父母妻子而不知有宋之宗廟社稷噫甚矣韋皇蓄財而吉甫憤懣崔嵬掩制而楊炎痛哭天下之變每藏於隱伏不露之中若謂專命尔非叛也擅貨尔非盜也則不足以爲先天下之機古謀國者鉤情候機落其樞鍵蓋於機微之際有必先之也語疏計者見必微論闊議者謀必約好言激衆而田悅卒以得衆力賜予傾士而承宗卒以收士心使大曆正元間嚴鄭大臣能得其變則禍豈美至唐末而後已哉恩朝廷出也而已私之貨朝廷物也而已專焉恩流而下益權貨聚而衆希附亦已度矣逮其機牙發動事勢張見則人不族武日不移刻而毒流於岷峨千里之內不如許如魏如河中亦僅耳豈但俠人也哉建炎二年九月二十八日記

特月車記

穎濱先生

曾子游廬山見隱者焉爲子言性命之理曰性猶日也身猶月

也予疑而詰之則曰人始有性而已性之所寓爲身天始有月而巳日之所寓爲月日出於東方其出也物咸賴焉有日者以視有年者以孰有足者以履至於山石草木亦非日不遂及其入也天下黯然無物不廢然日則未始有變也惟其所寓則有盈缺一盈一缺者月也惟性亦然出生入死出而生者未嘗增也入而死者未嘗耗也性一而已惟其所寓則有生死一生一死者身也雖有生死然而死此生彼未嘗息也身與月皆然石之治術者知之故日出於外謂之命月之所生謂之身日入地中雖未嘗變而不爲出月復出於東然後物無不覩茲命而何月不自明由日以爲明以日之遠近爲月之盈闕非身而何此術也而貪於道世之治術者知其說不知其所以說也予異其言而志之久矣築室於斯關其東南爲小軒軒之前郭然無障幾與天際每月之望開戶以須月之至月入吾軒則吾坐於軒上與之徘徊而不去一夕舉酒延客道隱者之語客漫不喻曰

吾嘗治術矣初不聞是說也予爲之及復其理客徐啓曰唯唯
因志其言于壁

貫特軒記

谿堂先生

竹之茁也覆寸耳解其釋焉何葉橫出其幹十計尺也是時而
凡草木何異哉既肅之以秋霜冬又申之以冰雪山林之間毀
折披裂童而槁者殆盡矣而此君輝煌檀藥爭妍於雪霜之際
此豈凡草木所能及也哉君子之所爲亦若是而已平居詡調
笑語從下里兒徵逐嬉嬉無以異於庸人也事有不可於心而
非其所婦人皆唯唯我則謬謬萬物豈流一身獨止高風勁節
凜然與此君相對庸人能若是乎古人所以不可一日無此君
者豈直爲游觀之美哉亦賞其歲寒之節而已近世士大夫尤
喜種竹棲息之地參乎其前者皆此君也雖然必有歲寒之節
無媿於此君然後彷徨乎其側特居寢卧乎其下而其心安焉
苟惟不然此君縱不能言獨不媿於其心乎故愛竹者不可不

慎也從余遊者陳仲邦清脩之士也開軒種竹而名之曰貫時
蓋取禮記所謂貫四時而不改柯易葉信乎有意於此君矣若
能抱歲寒之節不為此君羞則此君者真仲邦莫逆之交也仲
邦其勉之哉

五經軒記

西塘先生

民之所大可憂畏者莫大於不知常而輕人者知常之至者也
惟其知常之至是以惟民之不知常者是災水之就下火之炎
上常也舟之於水車之於陸仁之於父子義之於君臣無以易
是故天地之大萬物之細而至於鳥獸魚鼈莫不皆然順之則
吉逆之則凶惟聖人爲能知其然故其治有政教刑賞之施政
則躬蹈其常而民從之也教則委曲誨諭之也能是則有賞
是則有刑而政教賞刑之所不及又使民得以詠歌而風刺之
是爲詩體有威儀又質經之而百曲之而千是爲禮其事之至
大非民所常與者則有典謨訓誥誓命之文以布諭而申飭之

是爲書又念夫吉凶禍福之致莫非出於常不常也焉之因天
地雷風水火山澤之變動者卦之而八重之而六十四爻之三
百八十有四以示之是爲易其任天下國家之重者以爲一言
一動莫非民之休戚利害治亂之所繫也率皆有左者史以記
其得常失常者以自戒是爲史而國異其名若晉之乘楚之檮
杌而春秋者魯史記之名也孔子之道不行人之悖常亂德者
衆也輟環天下而莫之能救乃刪詩定書訂論撰典讚明易道
以匹夫之簡筆代時王之政令自我而常之以期萬世又以當
時君臣父子之悖亂無所施其賞刑者乃約魯史之文而萬之
褒貶焉故其事一善而萬世莫能掩其光輝黜一惡而萬世莫
能滌其瑕垢其文本於魯史故亦謂之春秋其事五後世謂之
五經經即常也道即常所行之路也是故經者常之言也人心
者常言之舍此常言在經誦聖人之經者舍之於心曾已之常
而隨所施焉至於造次顛沛不敢離也此之謂道父子以親君

臣以義而至於天下國家無所施而不當故常之施也在聖人愛
三代聖人之在上者爲典爲則爲彝倫爲皇極在孔子聖人之
在下者爲五經聖人之通塞無非常之爲患者以民之不知常
則有要作之凶人相矜高痛奪而至於父不父子不子也凶孰
大焉此聖人所以憂也陸西參君天與孝聖人者乎其家厖居
有樓西向而東臨通衢有軒窓房閣聚畫具間以與子弟講習
其弟四子男亦四率二人而授一經已治其一而總之乃其軒
以五經爲名成而來告故爲之叙其本如此若夫仁之於父子
義之於君臣至于長幼朋友者如日月之於東西寒暑之於生
成能是者善之不能者誨之雖黽黽之童幽獨之室不敢以欺
以居則曾閔之事親也以仕則憂契之事君也不亦重乎凡此
則天與順常之吉而經無與焉政和丙申九月二十九日記

足軒記

周待制

太學齋學谷三十人几席鱗比諷詠之聲相續於是各於齋後

之隙地東來財構小軒爲講肄游息之所允蹈齊在飄德堂之
後真積樸術之兩間南昌余晦叔實長其事亦構軒如他齋晚
徧曲指因其天資不斷不削盡軒壁爲江湖景孤嶼挹序幽深
隨波寒蘆懷風群鴈上下迥有野色軒之左右皆鑿地爲池植
蒲荷泛青萍取小魚置其中池外有榆有柳軒之兩傍各有藉
花數十本觀其露重而荷飈萍密而魚跳土簿而荀見草疎而
虫隴孤飛自媚乍開乍落閑蜂冷蝶停并幹而遠幽叢最然有
可喜者於是謂友環坐於軒或議而爭或笑而譁或相規而默
起觀池魚之遊詠生拍在實之榮謝旣已復執卷以深思以是
終日雖景象至微而意態自足錢塘周邦彦於是爲名其軒爲
足軒命同齋友咸賦詩以道其意客有詆是名者曰孰爲斯名
豈不太迫哉以室屋爲足耶君見夫充堂衍宇華甍雕榭入駟
馬而容旌旌者乎以得趣此爲足耶君見夫外金門上玉堂叩
紫微而謁承明者乎以景物爲足耶君見夫驚濤怒瀾湧雲沃

東海者乎君見夫渭川千畝洛陽萬本西
十里餘幹柳雪漢奇艷照城郭清陰鱸魚者乎以是為足彼
之足也豈勝計哉我子徐笑而謂之曰客少止試為君道其產
略今天地之廣大始有極物之賦形不可殫名耳目之用厭
故而新新惡常而好異以既見為故以未見為新以故者為常
以新者為異地廣物衆亘古今而元窮以有限之身慕無窮之
物則奚時而不一奚時而不故奚時而不常奚時而不異哉然
子所謂足者豈非志願終畢無復餘覲者乎客曰然心為物役
景與時變志願所逐至死而已豈得為足若欲盡物而後為足
者天下無有也客曰然則如之何而足耶曰請為君言其足今
夫巨浪舟不容芥同為浮而已矣鶴警夜半虫吟秋暮同
為鳴而已矣觀吾軒側之花包者數簡者煩則凡植物之生
如薤羅縹緲者亦若是榮而已矣觀吾軒側之花盛者萎綴者
脫則凡植物之死如萎靡敗土者亦若是衰而已矣觀魚之泳

朝浮而夕沉出沒唼喁則橫海吞舟噴浪飛涎者亦若是得其
其所而已矣觀舞雩之往來緣撲則物之有逐擾擾以終其生
者亦若是勞而已矣吾於萬物不觀其色而觀其真不觀其形
而觀其理天下之廣山海之富有形之衆不必自歷而物數故
無往而不足是以清宮洞房安牀弱席人之所息足於一寐能
踏鯉鱸紫蘭丹椒羞包調華人之所食足於一飫如有隱憂則
目眇而不與咽結而不下雖有奇居異驪尚能寄支節而潤舌
平則知所足者在此而不在彼也越内外之度而馳之萬物是
爲漏卮洞管其中歇然無物可實故無往而足若夫男子之得
時乘肥衣輕握旂節以役百僕者不識果欲竊是物以足其志
乎記是具以行其志乎若竊是物而足其志者是亦小丈夫而
已矣烏可以名示則是軒之名復何啻哉客曰吾益矣請書諸
壁以告泉者邦彦曰唯唯某年某月某日記

遷安之北有山歸然與州治相直者曰北山山之南有澗澗之
南有橫阜背山而面阜據澗之北濱有屋十數楹則東海徐君
大正燕居之地也其名曰閭軒去軒數十里有田可以給饘粥
供絲麻賓客烹飪之用取具君將歸而老焉而求託於高郵秦
觀觀曰士累於進退久矣弁冕端委於廟朝之上者倦而不知
歸披莽蒼而田橫清冷而漁者閉距而不肯試二者皆有累焉
君雖少舉進二而使馬善射慷慨有氣略天下奇男子也夫以
精悍之姿遇休明之時齒髮未衰足以任事而欲就閒曠幽
隱分侍狖之居則靡麗之將竊為君不取也乃為詞以招之曰
山之雲兮岷然作水循澗兮號不斂雲為雨兮水為濱
時不淹兮驟得念夫君兮武且力矢奔星兮弧挽月
夜參半兮起探虎穴兮虜其子破千金兮購可服
無劒馬兮飛檣出山之中兮歲將闌木樛枝兮水驚湍
鷹隼擊兮蛟龍蟄熊咆虎嘯兮天為寒四無人兮誰與言

膏君畫今秋為 軒之中今不可以久間

觀畫軒記

黃尚書

予一日過完師坐于會景亭上前揖居民望衍仙山旁視劍潭人愛延平最有山水之樂而衍仙山劍潭又其山水之可愛者氣象聲色食頃萬變予登完師之亭而盡得之因與完師言德之大累豈在對物而有感今又據景之會而既之非在萬物之上以物相觀而已觀有不盡者物能引之未知聲色形象之為夢幻也則予畏會景之累人深矣無涯之知不可勝計之景客塵之中適然而相感則或凄然以悲欣然以喜清閑之景解人之煩將人之汚華美之景飲然者貪飄然者肆无窮之態出人意而乘之不可以勝言也嗚呼朝聞道夕死可矣目具隨塵之熈而心化有涯之生可不謹哉以故君子之為道也不見可欲使心不亂君子之為善也不見不可欲使心不喪將入之汚解人之煩此景之可欲者尚為道所忌而况幽情奇態之感人使

人或以笑或以嘖貪以肆何可玩哉我與景俱非真物以物之態
爲我之情俱非真智因與完師言濁汚者見其形其好莫貴有物
也清淨者見其性其知莫貴者道也人之性常無者跡道常有
者跡物衆凡之流嘗蔽於聲色之娛予甚悲之師能即亭之正
便爲悟真室嘗遊乎其間然則完師非陷於景者歟使登斯亭
者知世態物情猶蚊蚋之過乎前也然我弃我與景爲吾悟真
室遊而求真焉靜也不勞其形以至乎形全靖也不拙其精以
至乎精復形全精復與天爲一是故妙有其形而不爲貌象故
爲貌象者之所不能對常無其無而不爲聲色故爲聲色者之
所不能惑老聃所謂不工莊子所謂不化釋氏所謂不感儒氏所
謂不動當是時也万物爲吾逆旅矣而衆人爲万物逆旅衆人
爲萬物一偏矣而萬物爲吾一偏由是而登軒下與萬物相見
可以觀矣矣予愛完師爲悟真室之意而又慮其不亭出室以
接事也遂以觀空命軒焉若夫煙雲聚散山在無之間水漲

晴光丹之銀河之上桂華風動天香蘭懷飛攬參差歌管新續
此玩物者醉歌醉舞舞情馳逸而對之志蘭意適以爲得策者
世物態少移世情已變當是時也吾寄万物之上而觀之與之
游可也不與之游可也

謗軒記

澗上丈人

默老崔休子叔子大野二士者居於鄉而嘗遇謗焉遂相與避
而名所居曰謗軒有間上丈人者遊於四方困於鄭許洛懷汝
之間蓋不惟其鄉而嘗負謗於天下曉得二士樂從之遂一日
過其居見二士方深念蓋永其所以弭謗之道余告之曰不然
夫謗者孰可以弭乎厲王萬乘之主也勢力回天地生殺海內
而又用衛巫遂耳以聽雖嬰兒之聲竈竈婦之言遠在要荒之人
近在邦畿之內謗厲王者巫必知之是豈力不足智不賅哉然
當是時也防民口猶防水其後益滋大夫以厲王之威衛巫之
神猶不能以弭天下之謗又况夫散焉者乎二士曰不然彼不

脩其身而強其辯者也吾將修其身以待謗之自明不亦可乎
余應之曰不然夫謗也者天之所以養天下之小人也何以明
之自古君子常少小人常多若唯以正論而不以謗殆將天殺
天下之小人則天之利天下也少而害天下也多是故蔽之以
謗口而天下之小人得利焉今夫小人者攘臂瞋目掉三寸之
舌離人鬻臣間人父子絕人兄弟散人交遊彼其勢豈得已而
然哉天道已行矣子獨不見夫火乎乘風而扇焉並焰一薄乎
天烈山澤而焚之昆虫鳥獸木草玉石莫不被其毒然天弗禁
也豈不以殺者少而養者多乎傳有之損於此者益於彼虧於
彼者成於此古之君子達於彼已之分辨於榮辱之境而明於
多寡之數是故不私於已而讓天下以利不矜其能而讓天下
以名謗之來也受而不辭且子獨不聞之乎昔者堯舜大聖人也
也世之論者曰勛華不慈禹大聖人也世之論者曰至於禹而
德衰伊尹大聖人也以為執其君周公大聖人也以為不利於

孔子大聖人也或必諸子真曾參之孝而以為殺人孟軻之賢而以為好辯荀卿之主而進讓於楚廢死蘭陵是八九賢聖人猶不能免天下之謗子獨可以免之乎哉我且為子歌子其聽之歌曰謗之口勢難塞吾與子兮焉能謗之口唯唯吾與子兮焉能脩其實兮遠其名奔其利兮保其誠謗兮阻兮無與人爭於是子釋然而喜泰然而安以謗為榮而自附於古之賢聖

傲軒記

王臺先生

天彭蹇宏世才用賣漿為業然室闔閭中名曰懶密余之友者孫嗣老為之記宏為人明白洞達言無隱情故深中而多數者忌之剛直使酒好面折人過失故離羣細謹柔使而好諷者嫉之余與宏游最舊凡宏之所耻者余亦耻之自攝官天彭公事之暇日赴富中痛飲為樂以是尤不為人所喜羣嘲而聚罵者往往百十為輩而宏莫之恤余亦不恤也昔魏公子矯奪閭閻

軍符鄧泰存趙趙王與平原君德之公子遂留趙聞趙有處士
毛公藏於博徒薛公藏於賣漿家公子見之兩人不見公子乃
間步往從之遊平原君耻之曰公子妻人耳公子曰以無忌從
此兩人游尚恐其不我欲也夫兩人者以貧賤而傲公子不肯
見公子乃不以其貴重為傲而特禮下之皆可謂賢矣今宏之
賢不減趙之兩人余無公子之貴宏固不我傲而余何恃而傲
宏也哉宏於窟之南偏創為小軒花木竹石周列其下頗有佳
趣余遂以傲名之書曰象傲又曰丹朱傲故韓子以傲為凶德
夫恃富貴而傲人如象如丹朱不可以貧賤而傲相國翰林如
韓子何不可余於是竊笑韓子之陋也宏涉獵書史不妄為人
交視世俗所為輒捧腹大笑獨往來之室中開戶以延清風把
酒而問明月天地猶為所傲而況於人乎靖康元年五月眉
山王賞筆之記

眉山楊彥通開軒於太學書堂之左以爲游息之地而名曰真
一屬余記之余曰何哉夫記事古之所以紀其本末而書以示
後也軒之作必有牖戶几案圖書文字之樂則余執筆以從今
真一之名近於虛誕誠欲記之如捕風擊絮將何述乎畫工不
畫鬼神而學者耻談天外惡其誕也自我理之學行於世而士
失其本言穿空擊劫務爲難曉之論三尺童子奮辭揚厲爲科
舉之文則開然皆以真一爲說令人厭聞之子敢復爲此謔悠
哉請獨爲君記軒中之物以爲真一之喻今夫窓戶几案圖書
文字其在軒中闕一不可將混此數物指爲一物則名品不齊
尖不相用將件計其物各置一處則廢一物之用而百用坐廢
譬如耳目鼻口自然運動旣不可謂之一亦不可謂之二此真
一之喻也君居此軒晝仰夜息而數物爲偶藉窓戶几案以舒
其舒藉圖書文字以游息其心終至於遺形放心棄置百物而
融會於真一之處則君固何以告我而我亦何以爲君意予得

其一者或不能自知知其一者或不能為言如人嗜食但知食
美而不知羊豕鹽梅孰成此味如人嗜酒但知酒美而不知秫
稻麴蘖孰成此醞醉飽之適雖有莊周惠施不能狀其情而况
真一之說乃妄使余名之哉雖然真一之說則不容學而其端
匪似可馴致孔子曰學以致其道孟子曰專心致志則得之此
造化之梯級而學道之舟楫也大丈夫用心專一果能不以外
物亂其心則死生禍福猶能輕之况仕進得失之早晚乎為真
一之說者當自此始也言畢彥通顧余笑曰孺子之言庶幾不
害教乃遣童兒

靜勝軒記

西山先生

蜀遠矣蠶叢叢靈雅見小書甚怪蓋不可詰史記黃帝子昌意
娶蜀山氏女昌僕夏禹娶塗山杜預曰巴國也巴蜀自五帝時
已為婚姻之國天牧誓曰及庸蜀羌獯微盧豳濮人孔安國以
羌為西蜀縣為巴蜀固公吳秦惠王始置吏始皇以漢中巴郡

蜀郡黔中爲古今蜀之名所以有東西哉春秋書楚人秦人巴人滅庸而不云蜀應劭以巴爲巴子之國是巴郡風流獨高於蜀也以此理志考之巴郡在漢爲縣者十一曰安漢今果州其地也自後漢至晉皆以名縣宋爲宕渠郡後魏平蜀嘗遷矣隋開皇初遂廢唐武德中置果州大曆四年改充州十年復果州今州之地四十里父老尚知爲魏之故墟而晉宋舊地則不可識况漢之安漢縣哉其江山城邑望于他郡獨刺史之府堂寢相屬制度卑陋視民居有愧予以暇日行後圃得敗屋數椽於草樹荒蕪之間蓋洛陽張君宗蒼元祐間爲郡時所建靜勝軒也刻石故在棄爲犬豕之牢久矣爲理其棟宇軒檻捫折不主者伐去惡木花竹儼立金泉諸山宛若相就列圖史筆研其間意欣然樂之以公孫丞相東閣傾天下其廢爲馬廐繡幾何時况張使君哉自蜀之列爲郡縣可考也此郡之廢興數矣故時城邑化爲丘墟壘甌三不可辨所謂靜勝軒者能保其不壞哉

蓋物之成敗相尋於無窮未有不與哉曰其佳矣乎有感焉異
時此文出於斷垣廢井之間讀者可以慨然長嘆矣年月日河
南邵博記

柱笏軒記

陳漢先生

鄱陽方顏國老主青田簿數月治廳事之側爲軒以揖溪山之
勝名之曰柱笏書來屬余爲我記之余惟賢人君子方未遇時
汨汨庸俗之中其高標逸氣不受理沒往往傲睨於窮山遠水
以自適焉東晉士大夫浮虛相高此風特盛謝安石蘊濟時之
具出入將相而東山之志猶不少衰嘗登冶城悠然遐想有超
世之心王右軍識之然右軍一不得意於懷祖象自稱言棄官棄
登臨之娛以廢君目之義則其所失又過於安石諸兒效之放
曠益甚而子猷尤號不羈居官落魄不事其事柱笏看山題焉
絕俗世以爲無用之散材處之於功名禮法之外惜其遇佳之
氣亦有過人者若折節於聖人之中道豈不爲天下奇才哉國

老故大官侍郎公之子風流人物卓爾不群自未冠時已為計
借其文學才猷能業其家方為當世用非慕東晉諸君子者顧
懷抱利器未有所發歛板塵埃中無以自振故聊抗志山水之
間觀其妙年能自標置如此則曾中之奇必有翹然而自負者
使他時遇合以平日之所操持施之有用之地肯錄錄而已乎
如不厲平之却指以俱安楮河南之叩頭而納諫段太尉之挺
身以擊賊追其風節尚可無媿古人必不至作王坦之臨事顛
倒為後世笑也國老其勉之

一經軒記

趙狀元

紹興壬申予赴官薩川道東川而東鄉大夫嘉陽通守王侯寔
來顧之子自少則已聞侯之先君子黎州府君聲聞隱隱在檮
神間黎州有美才以早歲取上第仕官顯文才足用不改布衣
陋巷時以故詩禮之訓比一時大夫最嚴而侯遂以科第世
其家益大其門庭嗟予不得見黎州矣見侯所願無已而侯

遂以所榜一經斬求子証之宣漢羣氏父子以經振取幸理當
時歆豔爲之語曰遺子千金不如教子一經今之教子者率以
此籍口子觀賢與元成皆恭儉孝謹進退有本末而元成至陽
爲狂病辭爵避兄顧肯持父祖之學博人公卿以反面其親哉
然鄒魯之士仰其賢而尊其貴如孟子所謂見王之羽旄而忻
者故云不然堯舜禹湯文武之傳孔子之所述僅足以興黃金
爭輕重於銖兩間豈不續哉而夏侯勝亦爲此言曰經術苟明
取青紫如拾地芥尤鄙陋不信然觀勝立朝前後引經危言顯
於死者數矣視青紫何物也而此不察例使其子弟售經術以
脫賤貧亦已過矣乃若侯則不然自以厭先祖父不以子孫迹
於利而沃之以聖人之語言我先君既受之益煒煒其光輝以
照臨我後之人懼弗克嗣寢食美臬抱經而居天子幸不鄙夷
之而以爲臣其敢遂謂學者之極功舍而弗圖以負天子以爲
前入羞則開軒而名曰經是不可一日不聞此聲者夫不以一

且得志爲可以自滿而請終身誦之忠也不以已能得之而忘其先孝也三侯之忠孝備矣君子尚之經史吏事皆以先人今爲朝散郎而侯之子師友淵源益深王氏之經其愈久而愈馨乎黎州謹撰字文揚侯名駿自德稱其子名輅云十二月甲子趙達記

名軒室記

南軒先生

或曰知道矣而常患其不能長一於已夫不能長一於已則道與已尚爲二物也執柯伐柯睨而視之猶以爲遠嗚呼是果爲真知也歟其功未至也將使已化於道如水入水初無可間以全於天其必有本要矣其力行之積歟道與已尚爲二物則天理不脩而不加省焉吾見道日有遠已而已可不畏哉中庸曰有不至德至道不疑焉道至於疑則斯能有之矣惟至德可以凝道古之人禮儀三百威儀三千君臣父子兄弟夫婦朋友之際師師誦應對獻酬交酢以至於坐立寢食之間無一而不在德焉至

鐵三悉也所以成其天理而已蓋毫釐之間不至則毫釐之間
天理不在故學而時習之無時而不習也念念不忘天理也此
所以至德以凝道也及其父也融然先聞渙然和順而內外精
粗上下本末功用一貫無餘力矣名吾軒曰時習夫習之有斷
絕者心過有以害之也心過尤難防一萌于中雖非視聽所及
而吾時習之功已斷絕矣察之緩則滋長矣惟人安於故常以
為微而忽為而不知此豈可使之熟也哉今日一念之差而不
痛以求改則明日茲念重生矣積而熟時習之功銷矣不兩立
也是以君子懼為萌于中必覺覺則痛懲而絕之如分桐葉然
不可復續如此則過境自疎時習之功專以至於至德以凝道
顏子之不二絕不復生也名吾室曰不貳因書此自勉焉

新刊國朝二百家名賢文粹卷第一百三十二

新刊 國朝二百家名賢文粹卷第二百三十三

記

樓觀記四

長樂亭記

陳康肅公

青門路長樂坡古別離之地也大中祥符七年予爲京兆守作亭于坡側東出迎餞必登斯亭倚檻周覽不覺興嘆其嘆伊何此寔漢唐之故墟也當漢唐全盛之時慘離魂傷別恨於此者可勝道哉若乃方隅有警上將出征猛士如林瑞雲映雪雖佳麗伸繭而賓客顧曲酒酣氣振躍馬而去又若遠持節出守遐徼駕鴻願侶冠蓋相追祖帳競陳清歌迭起白日將莫單車莫停又若忠臣慷慨義士激昂或以諫諍詆忤或爲讒慝中傷事出非幸身覓方里觀者感泣去兮如逝復有羈游從官獻書不捷交朋執手相顧涕下又況乎親遠其子弟遠其兄情愛之所鍾顧義而難割也嗟乎亭之嘆蓋嘆乎此然亦嘆漢唐之何

在而此坡之獨存也但見頽垣壞塹草色依依遺址餘基煙光
黯黯徘徊亭上感而長歌歌曰古人別離增愁悲今人別離多
吁噫古今人物自遷變惟有別離無盡期南山我我在天半潮
水鳴鳴流不斷應見古今別離人一番纔去一番新落日危亭
悄無緒覽今念古堪傷神大丈夫懷壯志當年過主遷榮貴建
功立業是所圖炳煥鴻名留永世安能効此兒女情空嘆別離
良可愧歌既畢因命筆書之復存其歎古之意載于篇首刻石
立于亭中命曰長樂亭記

襄州峴山亭記

河南先生

至哉仁之施于政其感人深切而無窮已也羊公之治襄陽及
今幾千載襄陽士人與民之有知者望峴山則緬然而思羊公
其亡矣乎自漢而下郡縣吏以循名者雖參用威術以臨其民
要其歸皆一於治當其時莫不有聽訟聽息之所于今皆微泯
無足道焉者若是羊公之恩張乎至哉其由不用威術而純乎

仁者歟夫威者強人以爲治術者使人不見其所以爲治強入者人勿怨而已不見其所以爲治者有見焉則人不思若純乎仁者不必身被其化後之人聞其風則咨嗟吁歎宜乎思之而不忘久之而益彰也燕公之來襄陽時與僚佐游峴山故有亭壞甚公易而新之昔所謂墮淚碑者梁劉之遴唐李景讓再易之矣今存惟景讓所易者公命工鐫其字之刊缺者使人可辨識焉嗚呼半公之仁不數乎山若碑之存然後爲不朽而燕公勤勤遺迹者徇其民之思若周人之愛甘棠也然則公之政其仁矣乎未有愛其迹而不愛其人者也若夫亭之爽塏與登覽之勝則公嘗賦詩在焉

峽州至喜亭記

六一居士

蜀於五代爲僭國以險爲虞以富自足舟車之迹不通乎中國者五十有九年宋受天命四海內四方次第平太祖改元之三年始平蜀然後蜀之絲枲織文之富衣被於天下而貢輸商旅

之往來者陸輦秦鳳水道岷江不絕于萬里之外岷江之來合
蜀衆水出三峽爲荆江傾折回直捍怒闢激束之爲湍觸之爲
旋順流之舟頃刻數百里不及顧視一失羣釐與崖石遇則礮
潰漂沒不見蹤跡故凡蜀之可以充內府供京師而移用于諸
州者皆陸出而其羨餘不急之物乃下于江若棄之然其爲險
且不測如此夷陵爲州當峽口江出峽始漫爲平流故舟人至
此者必漈酒拜拜相賀以爲更生尚書虞部郎中朱公再治是
州之三月作至喜亭于江津以爲舟者之停留也且誌夫天下
之大險至此而始平夷以爲行人之喜幸夷陵固爲下州廩與
俸皆薄而僻且遠雖有善政不足爲名譽以資進取朱公能不
以陋而安之其心喜夫人之去憂患而就樂易詩所謂愷悌
君子者矣自公之來數歲大豐因民之餘然後有作東于往來
以館以勞動不違時而人有賴是豈宜書故凡公之佐史因相
與謀而屬筆於脩焉

醉翁亭記

六一居士

環滁皆山也其西南諸峰林壑尤美望之蔚然而深秀者琅琊也山行六七里漸聞水聲潺潺而洩出于兩峰之間者讓泉也峯回路轉有亭翼然臨于泉上者醉翁亭也作亭者誰山之僧曰智德也名之者誰太守自謂也太守與客來飲于此飲少輒醉而年又最高自號曰醉翁也醉翁之意不在酒在乎山水之間也山水之樂得之心而寓之酒也若夫日出而林霏開雲歸而岩穴暝晦明變化者山間之朝暮也野芳發而幽香佳木秀而斂陰風霜高而水清而石出者山間之四時也朝而往暮而歸四時之景不同而樂亦無窮也至於負者歌于塗行者休于樹前者呼後者應僂僂提携以相往來而不絕者滁人遊也臨谿而漁谿深而魚肥釀泉爲酒泉冽而酒香山肴野蔌雜然而前陳者太守宴也宴酣之樂非絲竹射者中奕者勝觥籌交錯起坐而諠譁者衆賓歡也蒼顏白髮頽然坐其間者太守醉

也已而夕陽在山人影散亂太守歸而賓客從也樹林陰翳鳴
聲上下遊人去而禽鳥樂也然而禽鳥知山林之樂而不知人
之樂人知從太守遊而樂不知太守之樂其樂也醉能同其樂
醒能述以文者太守也太守謂誰廬陵歐陽脩也

歸來亭記

范忠文公

晉義熙中陶潛爲彭澤令非其好也賦歸去來解官以歸宋治
平三年富春昌齡君繇舒城守得謝於朝建亭北園名曰歸來
又取潛文以鑱於石蓋知慕潛之放適而不知過潛爲遠甚也
始君天聖中舉進士名聲滿天下後官太學職秘館出入中外
踐揚要劇陳力者四十五年而後歸禮所謂大夫七十而致仕
君爲得之矣且辭二千石之隆與夫捨五斗米之微孰廉也以
禮而歸與夫不得已而歸孰賢也自天聖至于治平之治與夫
義熙之亂孰榮也又無折腰之辱既廉且賢辭榮而不辭辱此
其過潛爲遠甚者也今夫歸來之名則同而其所遭之時與所

得之志爲異矣亭之江山之美風物之勝有群公之詩在焉姑
叙出數之致云爾治平丁未八月丙申成都范鎮記

蘇氏族譜亭記

老泉先生

匹夫而化鄉人者吾聞其語矣國有君邑有大夫而爭訟者訴
於其門鄉有庠里有孝而孝道者赴於其家鄉人有爲不善於
室者父兄輒相與恐曰吾夫子無乃聞之嗚呼彼獨何脩而得
此哉意者其積之有本末而施之有次第耶今吾族人猶有服
者不過百人而歲時蜡社不能相與盡其歡欣愛洽稍遠者至
不相往來是無以示吾鄉黨鄰里也乃作蘇氏族譜立亭於高
祖墓陞之西南而刻石焉旣而告之曰凡在此者死必赴冠娶
妻必告少而孤則老者字之貧而無歸則富者收之而不然者
族人之所共誚讓也歲正月相與拜奠於墓下旣奠列坐於亭
其老者顧少者而嘆曰是不及見吾鄉鄰風俗之美矣自吾少
時見有爲不義者則衆相與疾之如見怪物焉慄焉而不寧其

後少衰也猶相與笑之今也則相與安之耳是起於某人也夫
某人者是鄉之望人也而大亂吾俗焉是故其誘人也速其為
害也深自斯人之逐其兄之遺孤子而不卹也而骨肉之恩薄
自斯人之多取其先人之貲田而欺其諸孤子也而孝弟之行
飲自斯人之為其諸孤子之所訟也而禮義之節廢自斯人之
以妾加其妻也而嫡庶之別混自斯人之篤於聲色而父子雜
處謹謹不嚴也而閨門之政亂自斯人之瀆財無厭惟富者之
為賢也而廉恥之路塞此六行者吾往時所謂大慙而不容者
也今無知之人皆曰某人何人也猶且為之其與焉赫弈婢妾
靚麗足以蕩惑里巷之小人其官爵與力足以搖動府縣其矯
詐脩飾言語足以欺罔君子是州里之大盜也吾不敢以生靈
人而私以戒族人焉歸譏於斯人之一節乳白願無過吾明也子
聞之懼而請書焉老人曰書其事而闕其姓名使它人觀之則
不知其為誰而夫人之觀之則面熟內慙汗出而食不下也且

影之庶其有悔乎予曰然乃記之

喜雨亭記

東坡先生

亭以雨名至喜也。且者有喜則以名物示不忘也。周公得禾以名其書，漢武得鼎以名其年，叔孫勝敵以名其子，其喜之大小不齊，其示不忘一也。余至扶風之明年，始治官舍，舍為亭於堂之北，而鑿池，其南引流，種樹以為休息之所，是歲之春雨麥於陂山之陽，其占為有年。既而彌月不雨，民方以為憂，越三月乙卯乃雨，甲子又雨，民以為未足，丁卯大雨三日，乃止。官吏相與慶於庭，商賈相與歌於市，農夫相與耘於野，憂者以樂，病者以愈，而吾亭適成。於是舉酒於亭上，以屬客而告之，曰：五日不雨可乎？曰：五日不雨可乎？曰：十日不雨可乎？曰：十日不雨可乎？曰：無麥無禾，歲且荐飢，獄訟繁興，而盜賊滋熾，則吾與二三子雖欲優游樂於此亭，其可得耶？今天不遺斯民，始旱而賜之以雨，使吾與二三子得相與優游而樂於此亭者，皆雨之賜也。其又可

忘邪既以名亭又從而歌之曰使天而雨珠寒者不得以為濡使天而雨玉飢者不得以為粟一雨三日繁誰之力民曰太守太守不有歸之天子天子曰不然歸之造物造物不自以為功歸之太空太空真真不可得而名吾以名吾亭

放鶴亭記

東坡先生

熙寧二年秋彭城大水雲龍山人張君之草堂水及其半扉明年春水落漭於故居之東東山之麓外高而望得異境焉作亭於其上彭城之山岡嶺四合隱然如大環獨缺其西十二而山人之亭適當其缺春夏之交草木際天秋冬雪月千里一色風雨晦明之間俯仰自得山人有二鶴甚馴而善飛旦則望西山之缺而放焉縱其所如或立於陂田或翔於雲表暮則棲東山而歸故名之曰放鶴亭太守蘇軾時從賓客僚吏往往見山人飲酒於斯亭而樂之挹山人而告之曰子知隱居之樂乎雖南面之君未可與易也易曰鳴鶴在陰其子和之詩曰鶴鳴于九皋

聲聞于天蓋其為物清遠閑放超然于塵垢之外故易詩人以
比賢人君子隱德之士狎而玩之宜若有益而無損者然齊懿
公好鶴則亡其國周公作酒誥衛武公作抑戒以為荒惑敗亂
無若酒者而劉伶阮籍之徒以此全其身而名後世嗟夫南面
之君雖清遠閑放如鶴者猶不得好野之則亡其國而山林遁
世之士雖荒惑敗亂如酒者猶不能為害而況於鶴乎由此觀
之其為樂未可以同日而語也山人听然而笑曰有是哉乃作
放鶴招鶴之歌曰鶴飛去兮西山之缺高翔而下覽兮擇所適
翩然斂翼婉婉將集兮忽何所見矯然而復擊獨終日於澗谷之
間兮啄蒼苔而履白石鶴歸來兮東山之陰其下有人兮黃冠
草屨葛巾而鼓琴躬耕而食兮其餘以泚飽歸來歸來兮西山
不可以久留元豐元年十一月初八日記

武昌九曲亭記

穎濱先生

予瞻遠於齊安廬於江上齊安无名山而江之南武昌諸山坡

庵蔓延澗谷深窅中有浮圖精舍西曰西山東曰寒谿依山臨
壑隱蔽松檟蕭然絕俗馬之迹不至每風止日出江水伏息
子瞻杖策載酒乘漁舟亂流而南山中有二三人好客而喜游
聞子瞻至幅巾迎笑相携徜徉而上窮山之深力極而息埽葉
席草酌酒相勞意適忘反往往留宿於山上以此居齊安三年
不知其久也然將滴西川行於松柏之間主賜九曲而獲少平
遊者至此必息倚怪石蔭茂木俯視大江仰瞻陵阜旁臨溪谷
風雲變化林麓向背皆效於左右有廢亭焉其遺址甚狹不足
以席衆客其旁古木數十其大皆百圍千尺不可加以斤斧子
瞻每至其下輒睥睨終日一旦大風雷雨拔去其一斤其所據
亭得以廣子瞻與客入山視之笑曰茲欲以成吾亭耶遂相與
營之亭成而西山之勝始具子瞻於是最高昔余少年從子瞻
遊有山可登有水可浮子瞻未始不褰裳先之有不得至為之
悵然移日至其嗣然獨往逍遙泉石之上顧林卉拾瀨實酌水

而飲之見者以爲仙也蓋天下之樂無窮而以適意爲悅方其得意万物無以易之及其既厭未有不洒然自笑者也譬之飲食雜陳於前妻之一飽而同委於臭腐夫孰知得失之所在惟其無愧於中無責於外而姑寓焉此子瞻之所以有樂於是也

黃州快哉亭記

穎濱先生

江出西陵始得平地其流奔放肆大南合湘沅北合漢沔其勢益張至於赤壁之下波流浸灌與海相若清河張君夢得謫居齊安即其廬之西南爲亭以覽觀江流之勝而余兄子瞻名之曰快哉蓋亭之所見南北百里東西一舍濤瀾洶湧風雲開闔晝則舟楫出没於其前夜則魚龍悲嘯於其下變化倏忽動心駭目不可久視今乃得翫之几席之上舉目而足西望武昌諸山岡陵起伏草木行列煙消日出漁夫樵父之舍皆可指數此其所以爲快哉者也至於長洲之濱故城之墟曹孟德孫仲謀之所睥睨周瑜陸遜之所騁騁其流風遺迹亦足以稱快世俗

昔楚襄王從宋玉景差於蘭臺之宮有風颯然至者王披襟當
之曰使哉此風寡人所與庶人共者耶宋玉曰此獨大王之雄
風耳庶人安得共之玉之言蓋有諷焉夫風無雌雄之異而人
有遇不遇之變楚王之所以為樂與庶人之所以為憂此則人
之變也而風何與焉士生於世使其中不自得將何往而非病
使其中坦然不以物傷性將何適而非快今張君不以謫為患
竊會計之餘功而自放山水之間此其中宜有以過人者將蓬
戶甕牖無所不悅而况乎濯長江之清流揖西山之白雲窮耳
目之勝以自適也哉不然連山絕壑長林古木振之以清風照
之以明月此皆騷人思士之所以悲傷憔悴而不能勝者烏覩
其為快哉也哉元豐六年十一月朔日蘇轍記

汝州思賢亭記

劉貢父

尚書郎王公治汝之明年作思賢亭前此四十二歲翰林楊文
公億以秘書監守汝翰林清修正直文章自名於學無所不通

若夫以天地爲虛假以生滅爲去來以古今爲幻化不遷於性
不累於事不住於法不墮於語言寂滅也而未嘗見獨無爲也
而未嘗違物離人古之道術有在於是者翰林聞其風而悅之
是故其在朝廷貴重顯榮無與爲二及其退而爲郡優游怡愉
無介然於其胸中至其兀生之變熟然素定嗚呼可謂達人君
子矣孰曰不可思哉昔康成博學北海爲之立鄉羊公仁厚峴
山著其遺愛古之君子存爲世表沒爲民思者多矣翰林之不
忘也宜哉雖然道不同不相爲謀或曰接淅而不相悅或異世
而相慕由知與不知也故曰唯賢知賢如王公之思賢其有以
知之矣築室旣成會賓啓以落之而屬其爲之記時皇祐五年
十月也某官某書

壽亭記

谿堂先生

生之必死猶晝之必夜而顏淵之死孔子以爲不幸何哉蓋君
子有生之道而死爲不幸小人有死之理而生爲幸免顏淵

宜生而壽者也。天而死斯為不幸矣。孫休用敷山之隱君子也。有生之道不幸而死。諸孤葬於敷山之陽。作亭於墓前。取老子所謂死而不亡者壽。故以壽名之。亭成。乞記於陽夏謝逸表章。所以名亭之意。逸曰。孔子所謂仁者壽。老子所謂死而不亡曰壽。釋氏所謂無量壽。三聖人者。其言雖異。其意則同。蓋仁者盡性盡性則死而不亡。死而不亡則其壽豈有量哉。彼徒見鬚毛爪齒歸於地。涕唾津液歸於水。暖氣歸於動。轉歸風。而以為其人真死矣。然不知湛然常存。未嘗死也。嗚呼。凡有形者。未始不壞而不壞者。未始有形者也。劫火洞然。雖大千且不免於壞。而昧者乃欲保七尺之軀。以為千年之計。可不大哀耶。彼孰知不壞者。視百千萬億如彈指之頃耳。此豈世俗之所謂壽也哉。諸孤以是壽其先人。則斯亭之作。余無間然矣。大觀二年四月十五日記。